



## Universitätsbibliothek Paderborn

### **Cornelii Iansenii Episcopi Iprensis Avgvstinvs**

In Qvo Genuina sententia profundissimi Doctoris de Auxilio gratiæ medicinalis Christi Salvatoris, & de prædestinatione hominum & Angelorum proponitur, ac dilucidè ostenditur

**Jansenius, Cornelius**

**Lovanii, 1640**

8. Secundus effectus legis, reddere præcepti observationem difficiliorem sine gratia, propter incrementum concupiscentiæ.

**urn:nbn:de:hbz:466:1-13704**

## CAPVT OCTAVVM.

Secundus effectus legis, reddere præcepti observationem  
difficiliorem sine gratia, propter incrementum  
concupiscentiæ.

**V**T verò natura legis lectoribus explorator sit, quæ nonnullis recentioribus, valde incognita est, gratiumque offensionum, in causa gratiæ & libertatis occasio, opera pretium est alios nonnullos effectus legis verumque scopum, quem in ea ferenda Deus habuit, patefacere. Nec enim res ista tam in præpatulo posita est, ut Scholastici nonnulli putant. Non enim aliud ferè in legis latione considerare solent, quàm quod velut lumen quoddam divinitus accensum fuerit, in cuius radijs ambulantes rectè viverent. Gratiàm enim sufficentem, quæ Iudæos à peccati seu concupiscentiæ dominatione liberaret, hoc est, liberos faceret, ut legis præcepta custodiendo vita æterna potirentur. Ita ferè recentiores Philosophiæ potius humanæ quam Theologiæ divinæ seita persequendo statuunt. Hæc enim imaginatio ab Augustini sexcentis locis tradita doctrina per quam longè recedit. Ignoscendum est in re obscura laborantibus. Sacramentum enim longè arcanius in legis illius procuratione latet, quàm vulgò putant. Agnovit hoc Augustinus, quando dicit: *Habet aliquid obscurum traditio ipsa legis; propter quam obscuritatem, magnum ibi mysterium latuisse confirmat. Et prosper multo maximè quando dicit, utilitatem & iustitiam legis altissime latuisse.* Hæc igitur altissime latens legis utilitas Iudæis lapsi offensionis fuit; & ne etiam Catholicis nonnullis fiat, quantum Deus vires dederit, eruenda est. Ita enim decessit divini gratiæ ad infringendam concupiscentiæ tyrannidem, excutiendumque iugum servitutis, quo voluntas premitur, & magnitudo gratitudinis, quam largitori gratiæ Testamenti novi, & liberatori suo redempta creatura debet, magis elucescent.

Quapropter quisquis legem Iudæis eo immediato scopo datam esse putat, ut præceptorum eius luce eraditi, facilis evaderent peccata, quæ antea legis naturæ transgressione perpetrabant, non mediocriter hallucinari videtur. Tantum enim abest, ut lex institutionis illius allataque scientiæ de rebus agendis cavendi que beneficio, majorem afferret iustitiæ facilitatem, ut potius eam difficiliorem faceret, & quasi muro quodam interposito impossibilem. Paradoxum hoc videbitur cuiuspiam Stoici mirabilis, divini que beneficiæ & benevolentiam non satis decens. Ad quid enim hominum suscite naturâ corra-

**A**prissimâ satis imbecillium conatus, novis aliatibus sub specie beneficii difficultatibus deterere & ipsa quasi iustitiæ impossibilitate ac desperatione frangere? Ita homines humano sentia cogitant. Sed vanæ sunt cogitationes hominum, adversus ætæ ætæ & beneficentissimum consilium Dei.

Quod antequàm illo iplo jurante, detegamus, interim id quod jam diximus legem attulisse Iudæis maiorem iustitiæ servandi difficultatem, peccandi que pronitatem ac promptitudinem, declarandum est. Nihil enim in Augustini & veterum gratiæ defensorum scriptis decantatus est: ut potè qui nihil inculcant studiosius quam legem, quæ id quod malum est vetat, accendere potius quam sedare peccandi sitim. Augetur enim repressa cupiditas & bono concupito quasi in perpetuum caritura, fortius in ejus fruitionem exardescit. Ex quo efficitur necessariò, ut præcepti servandi difficultas longè operosior molestiorque fiat, dum id augetur, quod solum ejus culte diendi difficultatem asserbat. Quanto enim libertas scientiæ legis beneficio expeditior esse videbatur, tanto arctioribus crescentis cupiditatis & servitutis vinculis angatur, nisi alio novo gratiæ subsidio impetus ejus refringatur. Saluberrimam istam sancti Doctoris institutionem audiant homines qui sibi de accepta terum agendarum cognitione plus quam satis est blandiuntur: *Venundatus est sub lege à peccato, quoniam peccati mors seque voluptatis amplectitur dulcedinem illum quæ fallit, & deletatur etiam contra legem facere, cum tanto magis libet, quanto minus licet.* Audi hinc majorem arbitrii servitutem, quam qua ante premebatur: *Quæ suavitatis fructum non potest, quasi presso conditiois suo, nisi cogatur tanquam inemptum mancipium servitute libidinis, sentit enim se servum dominantis cupiditatis, qui prohibetur, & se rectè prohiberi cognoscit, & tamen facit.* Nam de tali instructo iam per legem paulo inferius dicit, quod trahunt ad male operandam, concupiscentiâ dominante, atque fallente dulcedine peccati, quamvis ex parte notitia legis hoc improbet. Et in eadem questione superius: *Peccatum, id est concupiscentiâ, non legitime utens lege, ex prohibitione aucto desideria, in cuius scilicet est, & ideo seculis. Fallax enim dulcedo est, quam plures atque maiores penarum amaritudines consequuntur. Quæ ergo ad hominum nondum spiritalem gratiam respicientibus suavis admittitur, quod veratur, fallit peccatum falsâ dulcedine.* Et libro de vera Religione addit & penam: *Vehementior prohibito peccatorum, & penam peccantium, serviliter coercens,*



ceteris, carnalibus animis atrociores impetus libidi-  
 nis gignit, & cuncta commissa congenerat. Et in  
 Epistola ducentesima: Lex ostendit hominem sibi  
 ipsi, ut sciat infirmitatem suam, & videat quemad-  
 modum per prohibitionem augetur peccati carnalis  
 concupiscentia quam sanetur. Appetunt enim ar-  
 dentius, quae verantur, dum id quod spiritaliter tu-  
 betur, carnalis observare compellitur. Et libro de  
 Continentia: Auxa prohibitio concupiscentiam  
 eamque, sicut invictam. Ecce invictam legis instru-  
 ctione concupiscentiam. Quod quomodo fiat,  
 ne multitudine locorum, quorum imensa in-  
 Augustino sylva occurrit, lectori tedium af-  
 feramus, una ab ipso producta similitudine  
 illustrari satis fuerit. Sic enim loquitur in li-  
 bro de Spiritu & littera, ubi doctrinam illam  
 de Incremento concupiscentiae, quod parit lex,  
 aliquoties repetit: Sed ubi sanctus non adjuvat  
 Spiritus, inspirans pro concupiscentia mala concu-  
 piscientiam bonam, hoc est, charitatem diffundens in  
 cordibus nostris, profecto illa lex, quamvis bona, auget  
 prohibendo desiderium malum: sicut aqua impetus si  
 in eam partem non cesset insuere, vehementior sit ob-  
 ice opposito, cuius molem cum evicerit, maiore cumu-  
 lo precipitatus violentius per prona provolvitur. Quod  
 sermone quarto de verbis Ap. solievidentius  
 atque popularius ob oculos ponit, locum Ap-  
 polloli explicans: Occasione accepta peccatum per  
 mandatum operatum est in me omnem concupiscen-  
 tiam. Sic enim ait: Maior erat concupiscentia, quan-  
 do ante legem securus peccabas; nunc autem oppositis  
 tibi obicibus legis fluxius concupiscentia quasi frenatus  
 est paululum, non sicatus: sed increpente impetu  
 qui te ducebat obicibus nullis, obruit te obicibus raptis.  
 Concupiscentia tua minor erat, quando tuam move-  
 bat libidinem, omnia est, quando transiit & le-  
 gem. Quibus duobus locis & modum explicat  
 quo concupiscentia fit prohibitione robustior;  
 & gratiam qua ejus impetus refrenatur. Si  
 enim fluxius non desinat in decliviora loca  
 semper fluere, quanto aggeres obiecti, qui-  
 bus aquarum libertas coercetur fuerint fortio-  
 res, tanto necesse est impetum earum ac pon-  
 dus ad perumpendos obices esse vehementius,  
 quo si semel nitendo superaverit, impetuosi-  
 us per declivia in praecipitium ruunt. Quamob-  
 rem qui impetum earum ad perumpendos  
 aggeres coercitum velit, alterutrum faciat  
 necesse est, ut vel obicem tollat, quo liberè  
 tranquilleque possit fluere; vel fontes ob-  
 struat, unde perpetim fluunt. Eodem planè  
 modo de concupiscentiae fluxu arbitrandum  
 est: quem qui diminutum fractumque esse ve-  
 lit, vel leges auferat tanquam obices, quibus  
 impetus ejus ad perumpendum crescit, vel  
 ipsum concupiscentiae fluxum sistat: quorum  
 prius quidem facillimum est, sed flagitii li-  
 centiam tribuit: posterius difficillimum, sed  
 praecipua certaque utilitate commendatum.  
 Ipsam enim exhaustam concupiscentiae scaturi-  
 ginem, inveteratamque naturae zgritudinem  
 sanat. Cujus sanationis modum ac remedium  
 istdem verbis Augustinus tetigit, quando di-  
 cit: Vis sanctus non adjuvat Spiritus, inspirans pro  
 concupiscentia mala concupiscentiam bonam, hoc est

charitatem diffundens in cordibus nostris, profecto illa  
 lex auget prohibendo desiderium malum. Quod & aliis  
 in locis saepe tradidit: Virtus peccati lex, quoniam  
 quoniam lex prohibendo auget peccati cupiditatem  
 nisi diffundat Spiritus charitatem. Et eodem libro  
 de Spiritu & littera: Littera prohibens peccatum  
 non iustificat hominem, sed potius occidit, auget  
 concupiscentiam & iniquitatem pravaricationis ca-  
 mulando, nisi liberet gratia per Iesum Christum dono  
 Spiritus sancti. Et in libris Retractionum: A  
 cuius concupiscentia dominatum non liberat nisi gratia  
 Dei per Iesum Christum dono Spiritus sancti, per  
 quem diffusa charitas in cordibus nostris vincit concu-  
 piscentiam carnis, ne consentiamus ei ad male faci-  
 endum, sed potius bona faciamus. Idem habes libro  
 primo ad Bonifacium, & aliis nonnullis locis, ubi  
 eandemque charitatem qua sola peccandi desi-  
 derium extinguitur dilectionem iustitia vocat.  
 Charitas enim tanquam dilectio Creatoris,  
 ex diametro repugnat concupiscentiae, tan-  
 quam dilectioni creature: ex quo fit ut cha-  
 ritate crescente necessario cupiditas minuat,  
 & è contratio, iuxta illud Augustini: Nutri-  
 mentum charitatis est immunitio cupiditatis, perfe-  
 ctio nulla cupiditas. Hoc est ergo illud solum vi-  
 cuique remedium adversum cupiditatis aug-  
 mentum inspiratio charitatis quam Augusti-  
 nus semper significat, quando toties dicit: a Lex  
 auget prohibendo peccati desideria, nisi subveniat  
 vivificet gratia. Et b Gratia nisi adjuverit, nihil  
 erit nisi virtus peccati. Et c Hoc vitium (id est con-  
 cupiscentia) quo prohibita plus delectans, & si vir-  
 tus peccati lex, non sanat nisi vivificans Spiritus  
 Et d in eis regnat concupiscentia, qui ab ea vincti per-  
 irabuntur maiore impetu, cum lege prohibentur, si  
 gratia non iuvantur. Et e Ita lex, gratia non ad-  
 iuvante, prohibens peccatum virtus est insuper peccati.  
 Et f Scientia legum sine gratia Spiritus, operatur in  
 homine omnem concupiscentiam. His & similibus  
 locis, quibus Augustini scripta plena sunt, semi-  
 per significatur gratia, non cuiusquam cele-  
 stis illuminationis, aut cogitationis congruae,  
 aut terroris, aut similitudinis, quae recentiores non-  
 nulli pro gratia Christi obtrudere voluerunt,  
 sed illa unica & regia Dei charitas, quae, ut alibi  
 dicit, sola vult bonum, per eius donum delectat esse legum  
 factorem. Haec ergo una charitas tanquam cocu-  
 piscientia bona opposita concupiscentiae male  
 nisi per Spiritum sanctum cordibus nostris in-  
 spiretur, lex nihil aliud efficit, quam quod  
 atrociores concupiscendi stimulos admovet,  
 ut maiore impetu ruptis prohibitionis can-  
 cellis, in flagitia praecipitetur. Nam ut Au-  
 gustinus: Lex iubendo bonum, & non largiendo  
 coarctatatem, quae sola vult bonum, reos pravarica-  
 tionis facit. Porro doctrinam istam non ex in-  
 genio humano commentus est sanctus Doctor,  
 sed tanquam ab Apostolo sibi traditam ubique  
 commendat. Sic enim iam aliquoties exponen-  
 tem audivimus locum vitium peccati lex, quo  
 significatur, concupiscentiam, quam peccati  
 nomine Apostolus, indicare solet, vel vi, vel  
 occasione legis accendi. Quod alibi aperit  
 dicit: Peccatum occasione accepta per mandatum,  
 operatum est in me omnem concupiscentiam.

Epist. 200.  
 ad A. feli-  
 cium.

Lib. de Con-  
 tinentia c. 3.

Lib. 3. ad  
 Bonif. c. 2.  
 Lib. de gra-  
 tia & lib. arb.  
 cap. 4.  
 Lib. 2. contra  
 Iul. imperf.  
 c. 1.  
 Lib. de Spir.  
 & litt. c. 14.  
 c. 32.

Serm. 4. de  
 verb. Apst.  
 cap. 5.

Lib. de Spir.  
 & litt. c. 4.